

KATA BILANGAN

JENIS KATA BILANGAN

Kata bilangan tentu menunjukkan jumlah yang telah tentu dan jelas dan disebut juga bilangan kardinal. Contoh: lima, sepuluh, seratus

Kata bilangan tak tentu menunjukkan bilangan yang tidak dapat ditentukan secara jelas jumlahnya.

Contoh: banyak, beberapa, para, sedikit, segala, sekalian, seluruh, semua,


Kata bilangan himpunan menggandakan kata bilangan tentu dan perkataan lain yang menunjukkan bilangan apabila digandakan. Contoh: kedua-dua, beribu-ribu, berkotak-kotak, bertahun-tahun

Kata bilangan pisahan menunjukkan kepunyaan setiap satu secara terpisah.

Contoh: masing-masing, setiap, tiap-tiap

Kata bilangan pecahan menunjukkan pecahan kepada bahagian tertentu.

Contoh: separuh, setengah, sepertiga, tiga perempat



KATA BILANGAN DAN JENISNYA	
JENIS	KATA BILANGAN
Tentu	Satu, tiga, 160
Tak Tentu	Beberapa, banyak, semua
Himpunan	Kedua-dua, ketiga-tiga, berbelas-belas
Pisahan	Masing-masing, setiap, satu-satu
Pecahan	separuh

PERINGATAN

1. Kata bilangan tentu dan kata bilangan himpunan yang tentu bilangannya mesti diikuti oleh **penjodoh bilangan** yang sesuai. Contoh: tiga *orang* lelaki, kedua-dua *bilah* pisau
2. Kata bilangan tak tentu tidak perlu diikuti oleh **penjodoh bilangan** kecuali “beberapa”. Contoh: banyak *ekor* ikan (X), berjuta-juta *biji* lemon (X), beberapa *ikat* sayur (✓)
3. Bilangan yang melebihi dua ialah **bilangan yang banyak**. Oleh itu, kata nama yang mengikuti kata bilangan itu **tidak perlu digandakan** bagi menunjukkan jamak (bilangan yang banyak). Contoh: *ramai* murid-murid (X), *lima* orang guru-guru (X)
4. Terdapat juga kata nama dan perkataan lain yang membawa maksud jamak (bilangan yang banyak). Oleh itu, perkataan itu atau kata nama sebelum atau yang mengikuti perkataan itu tidak boleh digandakan. Perkataan ini dinamai **penanda jamak**.

Contoh:

penduduk (✓), *penduduk-penduduk* (X)

senarai barang (✓), *senarai* barang-barang (X)

kumpulan pelajar (✓), *kumpulan* pelajar-pelajar (X)

deretan pasu bunga (✓), *deretan* pasu-pasu bunga (X)

pelajar *berhimpun* ((✓), pelajar-pelajar *berhimpun* (X)

sampah bertaburan (✓), sampah sarap *bertaburan* (X)

daun kering *berguguran* (✓), daun-daun kering *berguguran* (X)